

O'zbekiston Senday hadli dasturi doirasida global hamkorlikni rivojlantirishga hissa qo'shami



Jahon kun tartibida muhim vogelikka aylangan Qo'shilmaslik harakatining Bokuda bo'lib o'tgan sammitida 70 ga yaqin mamlakatdan davlat va hukumat rahbarlari, vazirlar, shuningdek turli xalqaro tashkilotlar rahbarlari ishtirok etdi.

Vakillikning bunday yuqori darajasi xorijiy ishtirokchilar BMT barqaror rivojlanish maqsadiga erishish, iqlim o'zgarishi va jahon tartibiga oid boshqa dolzARB masalalarini global miqyosda amalga oshirish yo'lidagi sa'y-harakatni faollashtirish masalasini muhokama qilishdan manfaatdor ekanidan dalolat.

Qayd etish joiz, O'zbekiston Prezidenti Shavkat Mirziyoyev o'z nutqida ta'kidlagan 2030 yilgacha tabiiy ofatlar xavfini kamaytirish bo'yicha global platforma - Senday hadli dasturi asosida Qo'shilmaslik harakati ishtirokchilari faoliyatini kuchaytirish zarurligi bo'yicha tashabbus juda muhim ahamiyatga ega.

Davlatimiz rahbari tomonidan bu masalaga alohida e'tibor qaratilishi bejiz emas. Zero, hozirgi vaqtida favqulodda vaziyat va tabiiy ofat xavfi, bunday salbiy holatlardan ko'rilibotgan iqtisodiy zarar ko'lami oshib borishi nafaqat O'zbekiston, balki butun Markaziy Osiyo uchun xos.

Yuqori xavf, birinchi navbatda, Markaziy Osiyoda o'rtacha harorat ko'tarilishi sur'ati jahon ko'rsatkichidan oshib ketishi bilan bog'liq. 1900 yildan buyon yer yuzida o'rtacha harorat 1.1°S oshgan, mintaqamizda esa o'rtacha yillik harorat 1.6°S iligan yoki $13,2^{\circ}\text{S}$ dan $14,8^{\circ}\text{S}$ ga chiqqan. Shu bilan birga taxminga ko'ra, 2050 yilga kelib havo harorati yana $1.5^{\circ}\text{-}3^{\circ}\text{S}$ oshishi mumkin.

Orol dengizi halokati tufayli sodir bo'layotgan iqlim o'zgarishi jahondagi o'rtacha ko'rsatkichdan 2 barobar kuchliroq bo'lib, so'nggi 50-60 yil ichida mintaqadagi muzlik maydoni, qariyb, 30 foiz qisqarishiga olib keldi. 2050 yilga kelib muzlik sathi yana 45-60 foiz qisqarishi kutilmoqda. Bu bahorgi oqim ko'payishi, yozgi oqim tubdan pasayishiga sabab bo'ladi.

Natijada ekstremal ob-havo hodisasi - erta bahorda tog' ko'llari toshishi, suv toshqini, sel, ko'chki, shuningdek, yozgi vegetatsiya davrida qurg'oqchilik, o'rmon yong'ini, chang-tuz bo'roni tez-tez yuz berishiga olib kelishi mumkin.

Shu bilan birga Markaziy Osiyo mintaqasida tabiiy ofatdan yillik yo'qotish yiliga 10 milliard dollarga yetib, iqtisodiy o'sishni 1-2 foiz cheklab qo'ygan.

Iqlim o'zgarishiga qarshi chora ko'rilmasa, Markaziy Osiyo mamlakatlari suv tanqisligiga, qurg'oqchilik, sel, qum bo'roni holatlari ko'payishiga duch keladi. Oqibatda qishloq xo'jaligi ishlab chiqarishida beqarorlik yuzaga keladi, oziq-ovqat xavfsizligiga tahdid paydo bo'ladi.

Bunday sharoitda O'zbekiston rahbari tomonidan Senday hadli dasturi Global platformasi asosida faoliyatni kuchaytirish bo'yicha ilgari surilgan taklif mantiqiy ahamiyat kasb etadi. Tez o'zgaruvchan iqlim sharoitida ofat xavfini kamaytirish masalasini hal qilish kelajakdagi tahdid va xavfni, monitoringning yangi usullari ishlab chiqilishini hisobga olgan holda, kompleks xususiyatga ega bo'lishi lozim.

Shu ma'noda Senday hadli dasturini izchil amalga oshirish bo'yicha respublikamizda olib borilayotgan ishlarni alohida ta'kidlash joiz. Xususan, O'zbekistonda "2015-2030 yillarga mo'ljallangan tabiiy ofat xavfini kamaytirish bo'yicha Senday asoslari" maqsadiga erishish bo'yicha strategiyani amalga oshirishga qaratilgan Milliy harakatlar rejsi tasdiqlandi. Strategiyaning asosiy maqsadi aholi va hududlarni tabiiy ofatdan har tomonlama muhofaza qilish sohasidagi islohotlar samaradorligini oshirish, 2030 yilga kelib halok bo'lganlar va jarohatlanganlar sonini, shuningdek, bevosita iqtisodiy zararni sezilarli darajada kamaytirishdan iborat. Mazkur hujjat tabiiy ofat xavfini kamaytirish masalasi O'zbekistonning aholini favqulodda vaziyatlar salbiy oqibatidan himoya qilish sohasidagi davlat siyosati asosiga aylanganining yaqqol tasdig'idir.

Demak, tabiiy muhitda ro'y berayotgan global o'zgarishlar asnosida Qo'shilmaslik harakatiga a'zo barcha davlatlar sa'y-harakatini birlashtirish orqali yagona global xavfsizlikni ta'minlash, favqulodda vaziyatda harakatlanish salohiyatini kuchaytirish va mintaqaning barcha davlatlari tezkor axborot almashish, qo'shma o'quv mashg'ulot o'tkazish kabi yo'naliishlarda hamkorlikni chuqurlashtirish, shuningdek, favqulodda vaziyatlarning oldini olish va kelib chiqadigan muammolarni bartaraf etish bo'yicha hamkorlikni rivojlantirishga alohida urg'u berilmoqda. Bu masalalar majmuasining ahamiyati alohida mamlakatlar bilan chegaralanib qolmaydi.

Ishonch bilan aytish mumkinki, aholini iqlim o'zgarishi, tabiiy va texnogen ofatning zararli ta'siridan ishonchli himoya qilishga barcha davlatlarning umumiyligi va keng hamkorligi sharoitidagina erishish mumkin. Senday hadli dasturi Global platformasi faoliyatini yanada kuchaytirish favqulodda vaziyatlarning oldini olish va bartaraf etish, iqtisodiy yo'qotishni kamaytirish, hayotiy muhim infratuzilma vayron bo'lishi ko'lamini qisqartirish, shuningdek, zarur o'zaro hamkorlikni ta'minlash bo'yicha umumiyligi chora-tadbirlarni birgalikda ishlab chiqishga yordam beradi.

Aleksey Kustov,

Prezident huzuridagi Strategik va mintaqalararo tadqiqotlar instituti bosh ilmiy xodimi

Manba